

Daygon si Hesukristo!

Minahal nga mga matuohong Katoliko, hilabi na katong nag antos samtang sila nakasaksi sa krisis nga nagpailawom sa atong Inahan Santa Iglesia. Minahal nga mga Katolikong amahan ug inahan sa mga pamilya! Minahal nga mga batan-ong Katoliko! Minahal nga mga inosenteng bata nga Katoliko! Labing minahal nga mga kontemplatibo ug relihiyoso nga mga madre, ang espirituhanong mga hiyas sa Simbahan! Minahal nga mga Katolikong Seminarista! Minahal nga mga Katolikong Pari nga mao ang "Gugma sa Santos nga Kasing-kasing ni Hesus!"

Ang kalibog sulod sa Simbahan niabot na sa punto nga kinahanglan na kitang mag-ampo ngadto sa Ginoo gamit ang mga pulong ni Esther: "Wala na kami lain pang magtatabang kon dili ikaw" (Esther 4:31/14:3). Busa, hangyuon nato ang Putli nga Kasing-kasing ni Maria pinaagi sa inadlaw nga pag-ampo sa "Pag-ampo aron sa paghangyo sa Dios og Balaan nga mga Santo Papa." Mosingit kita uban sa salmista sa pag-ingon: "Bangon na, O Ginoo, nganong nahikatulog ka man? Bangon na, O Ginoo, tabangi kami ug luwasa kami!" (Ps 43:23)

Enero 18, 2024, Karaan nga Piyesta sa Kathedra ni San Pedro sa Roma

+Athanasius Schneider, Obispo Auxiliar sa Archidiocesis sa Santa Maria sa Astana

Pag-ampo aron sa paghangyo sa Dios og Balaan nga mga Santo Papa

Ginoo, malooy ka! Kristo, malooy ka! Ginoo, malooy ka! Ginoong Hesukristo, ikaw ang Maayong Magbalantay! Pinaagi sa imong gamhanang kamot, nagagiya ikaw sa imong Simbahan dinhi sa yuta latas sa mga kagubot sa kapanahonan.

Himoang ma-anyag ang Santa Sede pinaagi sa balaan nga mga Santo Papa nga dili mahadlok sa mga kagamhanan sa kalibutan o sa espiritu sa panahon, apan nagapanalipod ug nagapabaskog sa Pagtoong Katoliko bisan pa sa pag-ula sa ilahang dugò, sa pagpanalipod ug pagsunod sa halangdon nga liturhiya sa Simbahan sa Roma.

O Ginoo, ibalik kanamo pinaagi sa balaan nga mga Santo Papa nga nagbagà sa kainit sa mga Apostoles, magasangyaw sa tibuok kalibutan: "Ang kaluwasan makita lamang kang Hesukristo tungod kay wala nay laing pangalan nga gikan sa langit nga gihatag sa mga tao nga magluwas sa katawhan." (Acts 4:10-12)

Pinaagi sa panahon sa mga Balaan nga Santo Papa, magasidlak unta ang Santa Sede -ang balay sa tanan nga nagasangyaw sa Pagtoong Katoliko ug Apostolikanhon- isip kathedra sa kamatuoran alang sa tibuok kalibutan. Ginoo, dunga kami pinaagi sa pangamà sa Putli nga Kasing-kasing ni Maria, Inahan sa Simbahan, hatagi kami og mga balaan nga Santo Papa, hatagi kami og daghang balaan nga Santo Papa! Kaloy-i kami ug dunga kami! Amen.